

潞壑關志卷之二

督理潞壑鈔關禮部祠祭清吏司主事陳常夏鑒定
蘇州府吳縣學纂修郡縣志廩膳生員孫珮纂輯

山水

首志虎丘者志虎嚙之所由名也次志陽山者志潞之所倚以爲鎮也又次志白石諸山者志諸山之環拱於潞也志水先長蕩者志潞東境之險也次志湖水之出於竹青石瀆白馬澗之出於運河者志衆水之旋繞於潞也如是而潞之山水盡矣

虎丘山在潞壑東南二十里吳越春秋云闔閭葬此以扁諸魚潞壑關志

卷二

一

腸劍各三千爲殉越三日金精結爲白虎踞其上故名唐避諱改武丘又名海湧峰其最著者爲劍池兩崖割開中涵石泉深不可測相傳秦王發闔閭墓鑿山求劍無所得其鑿處遂成深澗今名劍池顏真卿書虎丘劍池四字石刻猶存其前爲千人坐蓋神僧竺道生講經處大石盤陀徑畝高下平衍可坐千人唐李陽冰篆書生公講臺四字分刻四石今失其一臺側有照頭石上有可中亭取劉禹錫詩語又有白蓮池在臺之左相傳說法時池生千葉蓮花故名又有試劍石憨憨泉養鶴澗回僊徑石井泉泉卽張又新所品第三泉也晉王珣嘗據爲別墅山下因有短簿祠珣記云虎丘大勢四

面周廻嶺南則是山徑兩面壁立交林上合蹊路下通升降
窈窕不卒至吳地記亦云虎丘絕嵒聳壑茂林深篁爲江左
丘壑之表舊有東西寺卽王氏二壑皆在山下二寺久廢其
他樓閣勝處不能悉載

清遠道士同沈恭子遊虎丘

顏真卿刻其詩于巖際并有繼作

我本長殷周遭罹歷秦漢四瀆與五嶽名山盡幽窳及此
客區中始有近峰翫近峰何鬱鬱平湖渺瀰漫吟挽川之
陰步上山之岸山川共澄徹光彩交凌亂白雲翳欲歸青
松忽消半客去川鳥靜人來山鳥散谷深中見日崖幽曉
非且聞子盛游遨風流足詞翰嘉茲好松石一言常累歎

泚墅關志

卷二

二

勿謂余鬼神欣君共幽贊

劉禹錫咏生公

可中亭因
此詩得名

生公說法鬼神聽身後空堂夜不扃高坐寂寥雲漠漠一
方明月可中亭

白居易游虎丘

香刹看非遠祇園入始深龍蟠松矯矯玉立竹森森怪石
千僧坐靈池一劍沉海當亭兩面山在寺中心酒熟憑花
勸詩成倩鳥吟寄言軒冕客此地好抽簪

沈揆詠第二泉

靈源一閱幾經年石上重流豈偶然漸喜行春有幽事人

間初見第三泉

上方高閣倚層巒下有清泉一鑑寒更作小亭供勝覽盡
收吟思入毫端

范成大咏劍池

石罅泓渟劍氣潛誰將樓閣苦莊嚴只知暖熱遊人眼不
道蒼藤翠木嫌

陽山去潯壑鎮一十三里高八百五十餘丈逶迤二十餘里以
其背陰面陽故曰陽一名秦餘杭一名萬安亦名四飛以四
面視之勢若飛動也又以雲氣如炊名蒸丘亦名蒸山大峰
一十五而箭缺爲絕頂相傳秦皇射于此山故其下有射瀆

潯壑關志

卷二

三

戰國策云越王以散卒三千禽夫差于干隧今萬安山有遂
山卽其地也箭缺下有文殊寺寺內石井大旱不涸有白龍
洞嶺西有龍母塚東北有白鶴山以丁令威宅名山產白堊
亦名白堊嶺又名白蓮峰以下有白蓮寺也今名澄照寺其
前有龍湫白龍廟自此一支東北過金芝嶺曰管山亦名巒
山其北大石湧出如蓮花有雲泉菴西爲陽抱山西北彭山
溫山岡山皆近太湖其北竹青塘又北曰鷄籠山又北曰飯
山山嶺有七竅如瓦獸故名東南有象山卽福壽山盤迴不
絕至南瓜山過爬山嶺而北曰北瓜山又徐侯山在陽山西
北十里一名卑猶一名徐枕吳越春秋越王乃葬吳土以禮

於秦餘杭山卑猶卽此也其下有沈尤村其西南田錦峰南
出玉遮東南則鳳現嶺爲鳳凰山晉太康二年掘得石鳳故
名又南爲賀九嶺相傳吳王于此慶賀重九崖壁有賀九嶺
三大字

王群登樊陽山箭缺路建浴日亭記

陽山去吳城一舍而近亦名秦餘杭延袤三十餘里峰巒
十有九絕頂爲箭闕箭闕者兩石對峙劃然中開可容數
武遠望之若箭括或云始皇射于此殊不經去地八百五
十餘丈朝雲則占雨夕霞則占日節然吳之鎮也山高路
仄樵徑孤懸游者攀藤雜踐荆棘而上朋不得並進蹀不

得前却蛇行則踣鳥行則踟若捫參歷井而登登之卽厲
風烈日無所休止日未縱領未引而悒悒累息下矣雖吳
之好游者十不能一二至而況暴憊躡屨之客哉所謂箭
闕之勝幾沒榛莽中久之而後出者則今鴻臚徐君少泉
之力也先是鴻臚君卜壽藏于山之趾望氣測景時時以
筮絡上下其間憫行者之崎嶇慨然捐鏹粟集工徒刈草
伐石斲巖屹削礧礧踰白塹嶺而南易詰曲爲坦途去險
岨爲夷行爨爲拾級盤旋可陟可憩使杖者不危履者不
傾爲丈計者幾與山之高相等又慮登者之無所息也乃
建亭其顛榱桷備櫺瓊甌之屬悉代以石使風雨不能漂

搖鳥鼠不能穿穴其中寬衍可盤礴其外寥廓可眺覽滄
漠在其東具區在其西左顧千雉右盼羣峰茲亭所貯寧
有量乎黃門張睿文先生頽之曰浴日不言山而言水水
莫大于湖海亭得其十七浴日之云旨哉箭闕下文殊寺
石壁數十尋鴻臚君爲重屋面之其北有大石雲泉菴飛
梁絕巘最勝佛廬半圮君又加葺治丹青土木皆燦然而
後陽山之勝甲吳下登高能賦之客采真探竒之侶負薪
行歌之夫踵相接于途無不嘖嘖稱鴻臚君君之爲德于
此山豈淺哉

高啓雨中過憩龍山

游擊關志

卷二

五

春雲晻靄澗奔渾風山行人過一村不似山家深竹裏乳
鳩啼午未開門

沈周咏陽山

盤根既過塞巔亦絕白南而衍自西而峙支貫衆巒如父
率子魄龐靈長氣盛雲靡有望于吳庶物滋是

黃姬水咏大石

千盤危磴踐苔青巨石渾疑仙至扁絕巘登攀一長嘯巖
前飛霧盡冥冥

顧元慶咏金芝嶺

昔產金芝故名上有神祠對祠有亭
工巧莫敵相傳爲公輸子所製今廢

不見金芝產亭荒祠亦荒行人恐日落山鬼正踉蹌

山名
題歸

白石山在濟墅北二里越絕書云故爲胥女山春申君初封吳更今名又云其南有小獨山春申君客衛公子冢也按地理志白豸山前臨長蕩後通漕河白豸俗訛爲白石

長蕩自濟墅鎮東北遶出于虎丘後之新塘橋支港四通勢甚浩曠

沈周過長蕩

發迹過長蕩識此平生始春流方漫衍曠蕩靡十里老葑蔽重雲敷茅青樾凝正如一明鏡皴蝕銅繡起西山欲流照掩却螺髻美山亦拗怒去南走太湖溪羣勢擁壘浪爭捷互排擠我恐先我去揮手喞止止湖山四面好轉側皆

濟墅關志

卷二

六

可喜此面正佳絕扁舟載西子芳洲石隙地宜賣脫紫綺移家非丹砂所好在山水

太湖水西出經虎山橋彭山崦合金市之水由竹青塘東出運河竹青之水又分一支從關後南繞山崇福橋亦出運河射瀆相傳吳王嘗射于此故名亦名石瀆楓橋諸水北流與虎丘山塘諸水會合于此

白馬澗相傳支道林飲馬處彙陽山諸泉經白蕩出運河